

Na osnovu člana 600. Zakona o obligacionim odnosima („Službeni list R BiH“ br. 2/92,13/93 i 13/94 i „Službene novine Federacije BiH“ broj 29/03) i Saglasnosti Ministarstva prostornog uređenja, građenja i zaštite okoliša Kantona Sarajevo broj:02-04-20826-21/20 d 18.06.2020. godine, u Sarajevu dana 9.7. 2020. godine z a k l j u č u j e s e:

UGOVOR O DJELU

I z m e đ u

1. **KANTONALNE JAVNE USTANOVE ZA ZAŠTIĆENA PRIRODNA PODRUČJA**, sa sjedištem u ulici Branilaca Sarajeva br 28, 71 000 Sarajevo, ID broj 4201424050008, PDV broj 201424050008, a koju zastupa direktor mr. sci. Osman Delić, (u daljem tekstu: Naručioc posla)

i

2. **GRABOVAC (FUAD) ZLATA**, sa završenim Prirodno-matematičkim fakultetom u Sarajevu-Odsjek biologija, po zanimanju magistar ekologije, sa prebivalištem u ulici Čekaluša broj 1, Općina Centar Sarajevo, JMBG 0107986175015 (u daljem tekstu: Izvršioc posla).

I – PREDMET UGOVORA

Član 1.

Ovim ugovorom ugovorene strane su se sporazumjele da će Izvršioc posla izvršiti:

1. Program prekogranične saradnje za područje jadransko - jonske regije „The Adriatic Ionian Programm – ADRION“;

Po projektu ADRIATICAVES preuzet će organizacijske odgovornosti kako bi se osigurala uspješna implementacija projektnih aktivnosti partnera, praćenje dinamike provedbe projekta, redovna komunikacija sa glavnim partnerom i ostalim partnerima, izrada šestomjesečnog izvještaja prema dostavljenoj dokumentaciji od strane Javne ustanove.

II - OBAVEZE UGOVORNIH STRANA

Član 2.

U izvršenju poslova za koje se zaključuje ugovor, Izvršioc posla se obavezuje da će:

1. poslove izvršavati lično.
2. djelovati isključivo u interesu Naručioca posla.
3. obavljati poslove u skladu sa standardima Naručioca posla.
4. obavljati poslove stručno i savjesno.

5. pred trećim licima dosljedno čuvati poslovne tajne Naručioca, koje će doznati u svom poslu, za vrijeme trajanja ovog ugovora i još 3 (tri) godine nakon prestanka saradnje.
6. prema imovini i sredstvima za rad Naručioca odnositi sa pažnjom dobrog domaćina.
7. po isteku ovog ugovora, Naručiocu vratiti svu dokumentaciju, imovinu, opremu za rad i materijale, a koje je eventualno preuzeo za izvršenje ugovorenih poslova.
8. dostaviti mjesečne izvještaje o obavljenim poslovima odgovornoj osobi Naručioca prije isplate naknade za angažman.

Član 3.

Naručilac se obavezuje da će Izvršiocu posla omogućiti, dati i obezbijediti sve potrebne informacije za obavljanje posla za koji se Izvršioc posla angažuje.

III- NAKNADA

Član 4.

Naručilac posla će za obavljeni posao Izvršiocu posla platiti naknadu u mjesečnom neto iznosu od 1.524,00 KM.

Naknada iz stava 1. ovog člana će se uplatiti na račun Izvršioca posla broj **535 5400 0013 3792 otvoren kod Sparkasse Bank d.d. Sarajevo.**

Naručilac se obavezuje da će izvršiti uplatu svih dodatnih poreza i doprinosa koji proizilaze iz ovog ugovora, a u skladu sa važećim zakonom.

IV- PERIOD IZVRŠENJA POSLA

Član 5.

Izvršioc posla se obavezuje da će poslove iz prethodnog člana obavljati do okončanja projektnih aktivnosti a najduže do godinu dana.

V- OSTALE ODREDBE

Član 6.

Sve informacije i podatke koje će jedna ugovorna strana učiniti dostupnima drugoj ugovornoj strani u svrhu izvršavanja odredbi Ugovora, smatraju se tajnim podacima.

Tajni podaci ne mogu se koristiti, osim u svrhe određene Ugovorom, bez izričitog pristanka druge ugovorne strane.

Niti jedna ugovorna strana neće biti odgovorna za otkrivanje ili korištenje podataka koji u skladu sa ovim ugovorom predstavljaju tajne podatke, a koji:

- a) već jesu ili postanu poznati javnosti, osim putem povrede ovog ugovora, ili

b) se moraju otkriti na temelju zakona sukladno zahtjevu nadležnog tijela.

Član 7.

Ugovorne strane neće biti odgovorne za neizvršavanje bilo koje obaveze iz ovog ugovora ako je neizvršenje rezultat više sile, tj. događaja izvan kontrole ugovornih strana i neovisnog od njihove volje, a koji nije posljedica namjere ili nepažnje ugovornih strana, te izravno utječe na izvršenje obaveza ugovornih strana iz ovog Ugovora.

Član 8.

Ovaj ugovor stupa na snagu danom njegovog potpisivanja a primjenjuje se od dana obostranog potpisivanja pa do 31.12.2020. godine.

Član 9.

Svaka ugovorna strana ima pravo raskinuti ovaj ugovor zbog povrede ugovornih obaveza druge ugovorne strane ako takva povreda ne bude ispravljena niti u roku od 5 (pet) dana nakon dostavljanja pisane obavijesti kojom se takva povreda navodi.

Član 10.

Pitanja koja nisu uređena ovim ugovorom rješavat će se primjenom pravila Zakona o obligacionim odnosima o ugovoru o djelu.

Član 11.

Svaka izmjena ili dopuna ovog Ugovora mora biti učinjena u pisanom obliku i potpisana od obje ugovorne strane.


Član 12.

U slučaju eventualnih sporova proizašlih iz i/ili u vezi s ovim Ugovorom, ugovorne strane ugovaraju nadležnost suda u Sarajevu.

Član 13.

Ovaj Ugovor sastavljen je u 3 (tri) istovjetna primjerka od kojih Naručilac zadržava 2 (dva), a Izvršioc posla 1 (jedan) primjerak.

Izvršioc posla:


Grabovac Zlata, magistar biologije

Za Naručioca posla:
Direktor


mr. sci. Osman Delić



Broj: 03- 425 /20

Sarajevo, 05.09.2020 . godine